

## Izvjestaj o radu Uprave policije MUP-a Kantona Sarajevo za mjesec april 2022. godine

### KRIMINALITET

#### STATISTIČKI POKAZATELJI

U mjesecu aprilu 2022. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovano je 295 događaja sa obilježjem krivičnog djela (što je 131 ili 30,8% manje u odnosu na isti mjesec prethodne godine).

Od ukupnog broja registrovanih događaja sa obilježjem krivičnog djela, 147 ili 49,8% je evidentirano po poznatom izvršiocu, a 148 ili 50,2% po nepoznatom izvršiocu.

U mjesecu aprilu ove godine naknadno je rasvijetljeno 36 događaja sa obilježjem krivičnog djela evidentiranih po nepoznatom izvršiocu ili 24,3% (što je za 9,7% više u odnosu na uporedni mjesec) od čega je pet događaja prijavljeno u mjesecu aprilu, a 31 u ranijem periodu.

U izvještajnom mjesecu Uprava policije MUP Kantona Sarajevo je nadležnim tužilaštvima prosljedila na odluku putem administrativnog djelovodnika ukupno 155 obavijesti (72 manje) o događajima u kojima je pričinjena neznatna materijalna šteta.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA  
U MJESECU APRILU 2022/21. GODINE

| mjesec                    | Broj događaja sa obilježjem krivičnog djela |                       |                 | Broj naknadno rasvijetljenih događaja evidentiranih po nepoznatom izvršiocu |                            | Broj evidentiranih lica |              |            | Broj lica lišenih slobode |        |
|---------------------------|---|-----------------------|-----------------|---|----------------------------|-------------------------|--------------|------------|---------------------------|--------|
|                           | Ukupno                                      | od toga               |                 | Ukupno  | od toga iz ranijeg perioda | Ukupno                  | od toga      |            |                           |        |
|                           |   | po poznatom izvršiocu | po NN izvršiocu |   |                            |                         | maloljetnici | povratnici |                           |        |
| <b>APRIL 2022. GODINE</b> | <b>295</b>                                  | <b>147</b>            | <b>148</b>      | <b>36</b>   | <b>31</b>                  | <b>173</b>              | <b>0</b>     | <b>96</b>  | <b>66</b>                 |        |
| APRIL 2021. GODINE        | 426   | 241                   | 185             | 27  | 23                         | 257                     | 3            | 127        | 90                        |        |
| uporedba                  | +/-   | -131                  | -94             | -37   | 9                          | 8                       | -84          | -3         | -31                       | -24    |
|                           | %   | -30,8%                | -39%            | -20%  | 33,3%                      | 34,8%                   | -32,7%       | ---        | -24,4%                    | -26,7% |

U toku mjeseca aprila ove godine prijavljena su 173 lica (84 manje), od kojih je 96 povratnika (31 manje) (ili 55,5% od ukupnog broja prijavljenih lica), a 66 lica je lišeno slobode (24 manje). U mjesecu aprilu ove godine među prijavljenim licima nije bilo maloljetnika (u istom mjesecu prethodne godine bila su evidentirana tri maloljetna lica).

Za događaje sa obilježjem krivičnog djela, koji su evidentirani u mjesecu aprilu 2022. godine, prema izjavama oštećenih lica, nastupila je materijalna šteta u ukupnom iznosu od 464.270,00 KM.

**PREGLED DOGAĐAJA SA OBILJEŽJEM KRIVIČNOG DJELA U MJESECU APRILU 2022/21. GODINE  
NA PODRUČJU KANTONA SARAJEVO PREMA KRIVIČNOM ZAKONU FBiH-a**

| KZ FBiH-a i KZ BiH-a   | APRIL<br>2022.<br>GODINE | APRIL<br>2021.<br>GODINE | uporedba ukupnog<br>broja događaja sa<br>obilježjem<br>krivičnog djela |        | broj<br>događaja<br>po<br>poznatom<br>izvršiocu | broj<br>događaja<br>po NN<br>izvršiocu | ukupan broj<br>naknadno<br>rasvijetljenih<br>događaja |       |
|--|--------------------------|--------------------------|--|--------|---|--|---|-------|
|  |                          |                          | + / -  | %      |   |  | broj  | %     |
| PROTIV USTAVNOG PORETKA FEDERACIJE   | <b>0</b>                 | 1                        | -1   | ---    | 0   | 0                                      | 0   | ---   |
| PROTIV ŽIVOTA I TIJELA   | <b>13</b>                | 19                       | -6   | -31,6% | 12  | 1                                      | 0   | 0%    |
| PROTIV SLOBODE I PRAVA ČOVJEKA I<br>GRAĐANINA  | <b>8</b>                 | 12                       | -4   | -33,3% | 8   | 0                                      | 0   | ---   |
| PROTIV SPOLNE SLOBODE I MORALA   | <b>1</b>                 | 3                        | -2   | -66,7% | 1   | 0                                      | 0   | ---   |
| PROTIV BRAKA, PORODICE I MLADEŽI   | <b>18</b>                | 16                       | 2  | 12,5%  | 18  | 0                                      | 0   | ---   |
| PROTIV ZDRAVLJA LJUDI  | <b>29</b>                | 39                       | -10  | -25,6% | 29  | 0                                      | 0   | ---   |
| PROTIV IMOVINE   | <b>182</b>               | 233                      | -51  | -21,9% | 42  | 140                                    | 33  | 23,6% |
| PROTIV OPĆE SIGURNOSTI LJUDI I IMOVINE   | <b>13</b>                | 7                        | 6  | 85,7%  | 7   | 6                                      | 1   | 16,7% |
| PROTIV SIGURNOSTI JAVNOG PROMETA   | <b>11</b>                | 12                       | -1   | -8,3%  | 11  | 0                                      | 0   | ---   |
| PROTIV PRAVOSUĐA   | <b>2</b>                 | 3                        | -1   | -33,3% | 2   | 0                                      | 0   | ---   |
| PROTIV JAVNOG REDA I PRAVNOG PROMETA   | <b>8</b>                 | 76                       | -68  | -89,5% | 7   | 1                                      | 2   | 200%  |
| PROTIV PODMIČIVANJA I KD PROTIV SLUŽBENE<br>I ODGOVORNE FUNKCIJE   | <b>4</b>                 | 2                        | 2  | 100%   | 4   | 0                                      | 0   | ---   |
| PROTIV ČOVJEČNOSTI I VRIJEDNOSTI<br>ZAŠTIĆENIH MEĐUNARODNIM PRAVOM (KZBiH)   | <b>2</b>                 | 0                        | 2  | ---    | 2   | 0                                      | 0   | ---   |
| ZOSNINPNSP-a Zakon o sprečavanju nasilja i<br>nedoličnog ponašanja na sportskim priredbama<br>(Službene novine KS br.7/07) | <b>1</b>                 | 0                        | 1  | ---    | 1   | 0                                      | 0   | ---   |
| ZONDINOIM-a (Sl.novine Kantona Sarajevo br. 01/18)   | <b>3</b>                 | 3                        | 0  | isto   | 3   | 0                                      | 0   | ---   |
| <b>UKUPNO</b>  | <b>295</b>               | 426                      | -131   | -30,8% | 147   | 148                                    | 36  | 24,3% |

U mjesecu aprilu 2022. godine u odnosu na isti mjesec prethodne godine, zabilježeno je značajno smanjenje broja registrovanih događaja sa obilježjem krivičnog djela za 131 ili 30,8%. Najznačajnije smanjenje zabilježeno je u oblastima protiv javnog reda i pravnog prometa (za 68 događaja), imovine (za 51), zdravlja ljudi (za deset), života i tijela (za šest), itd., dok je povećanje evidentirano u oblastima protiv opće sigurnosti ljudi i imovine (za šest), braka, porodice i mladeži (za dva događaja), itd.

**PREGLED DOGAĐAJA SA OBILJEŽJEM KRIVIČNOG DJELA PO OBLASTIMA**

**PROTIV ŽIVOTA I TIJELA**

Tokom aprila 2022. godine evidentirano je 13 događaja sa obilježjem krivičnog djela iz oblasti protiv života i tijela (šest manje u odnosu na april 2021. godine) i to 12 po poznatom i jedan po nepoznatom izvršiocu. Evidentirani su slijedeći događaji:

- ubistvo (član 166. KZ FBiH) – jedan događaj (nije bilo u aprilu 2021. godine),
- ubistvo u pokušaju (član 166. KZ FBiH u vezi člana 28.) – jedan (dva manje),
- teška tjelesna ozljeda (član 172. KZ FBiH) – tri (četiri manje) i
- lahka tjelesna ozljeda (član 173. KZ FBiH) – osam (isti broj događaja).

Nadležnom tužilaštvu podneseni su službeni izvještaji protiv 14 lica, od koji je 12 povratnika ili 85,7%, a pet je lišeno slobode.

PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je osam događaja sa obilježjem krivičnog djela (četiri manje) ugrožavanje sigurnosti za koje je prijavljeno osam lica od kojih su tri povratnika u činjenju krivičnih djela.

PROTIV BRAKA, PORODICE I MLADEŽI

Iz oblasti protiv braka, porodice i mladeži u mjesecu aprilu evidentirano je 18 događaja sa obilježjem krivičnog djela (dva više) i to: nasilje u porodici – 17 i trgovina ljudima – jedan događaj, za čije izvršenje je prijavljeno 18 lica, od kojih je osam povratnika (ili 44,4%), a 11 lica je lišeno slobode.

PROTIV ZDRAVLJA LJUDI

Evidentirano je 29 događaja sa obilježjem krivičnog djela iz oblasti protiv zdravlja ljudi (deset manje) i to:

- neovlašćena proizvodnja i stavljanje u promet opojnih droga (čl. 238. KZ FBiH) – četiri i
- posjedovanje i omogućavanje uživanja opojnih droga (čl. 239. KZ FBiH) – 25 događaja.

Nadležnom tužilaštvu podneseni su službeni izvještaji protiv 29 lica, među kojima je 15 povratnika (ili 51,7%), a 12 lica je lišeno slobode.

Policijski službenici Uprave policije su Kantonalnom tužilaštvu Sarajevo podnijeli službene izvještaje protiv četiri lica zbog postojanja osnova sumnje da su u proteklom periodu u više navrata kupovali opojnu drogu "Marihuanu", „Amfetamin“, od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga) i protiv 25 lica koja su navodila druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga (“Marihuana”, “Heroin”, „Speed“, itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

PREGLED ODUZETE KOLIČINE OPOJNIH DROGA U MJESECU APRILU 2022/21. GODINE

| vrsta opojne droge                 | APRIL 2022. godine | APRIL 2021. godine |
|------------------------------------|--------------------|--------------------|
| Marihuana (paketići)               | 7                  | 9                  |
| Marihuana (u gramima)              | 4.173,335          | 80,84              |
| Speed (u gramima)                  | ---                | 0,926              |
| Speed (paketići)                   | 12                 | ---                |
| Heroin (u gramima)                 | 116,3              | ---                |
| Heroin (paketići)                  | 1                  | ---                |
| Amfetamin (paketići)               | 2                  | ----               |
| Amfetamin (u gramima)              | 13,682             | 1.478              |
| Cannabis (sjemenke)                | 1.000              | 1.000              |
| Cannabis (stabljike)               | 156                | ---                |
| pribor sa tragovima droge (komada) | 6                  | ---                |

PROTIV IMOVINE

U ovom mjesecu, evidentirana su 182 događaja sa obilježjem krivičnog djela protiv imovine (42 po poznatom i 140 po nepoznatom izvršiocu) što je za 51 ili 21,9% manje u odnosu na isti mjesec prošle godine. Iz ove oblasti najbrojniji događaji sa obilježjem krivičnog djela su:

- teška krađa (član 287. KZ FBiH) – 82 (31 manje),
- krađa (član 286. KZ FBiH) – 66 (tri više),
- oštećenje tuđe stvari (član 293. KZ FBiH) – 20 (pet više),
- razbojništvo (član 289. KZ FBiH) – pet (24 manje),
- teška krađa u pokušaju (član 287. u vezi člana 28. KZ FBiH) – tri (isto), itd.

Nadležnom tužilaštvu podneseni su službeni izvještaji protiv 55 lica, od kojih je 37 povratnika (ili 67,3%), a 21 je lišen slobode.

Od ukupno 140 događaja evidentirana po nepoznatom izvršiocu iz oblasti protiv imovine naknadno su rasvijetljena 33 ili 23,6% (što je za 9% više u odnosu na april 2021. godine).

Tokom mjeseca aprila ove godine, prema objektima izvršenja teških krađa, 42 su izvršene u stambenim objektima (jedna manje u odnosu na uporedni mjesec), 27 u poslovnim prostorima (dvije više), devet u motornim vozilima (otuđenja motornih vozila i “provale” u ista) (20 manje), itd.

U mjesecu aprilu ove godine evidentirane su tri teške krađe motornih vozila, a u istom periodu pronađena su i vraćena vlasnicima dva vozila (MUP RS-a i PS Olovo pronašli i vratili – po jedno vozilo).

Broj otuđenih motornih vozila u odnosu na uporedni mjesec smanjen je za 13 ili 81,3%.

Evidentirano je 66 događaja sa obilježjem krivičnog djela krađe (tri više) i to na ulici – 21 put, u poslovnim prostorijama – 15, u vozilima i na stajalištima GRAS-a – 14, u stambenim objektima – 11, itd. odakle su otuđivani novčanici, mobiteli, prehrambeni proizvodi, kozmetika, bicikli, auto dijelovi, čelični profili, itd.

Evidentirana su tri događaja sa obilježjem krivičnog djela teških krađa na naročito opasan ili naročito drzak način (dva manje), u kojima su izvršiocu, upotrebom fizičke snage (otimanjem i trganjem) - tri puta, otimali mobitele i nakit, a evidentirane su: na ulici – dva puta i u haustoru stambene zgrade – jednom. Nadležnom tužilaštvu podnesen je službeni izvještaj protiv jednog lica, povratnika u činjenju krivičnih djela.

U mjesecu aprilu ove godine evidentirano je pet događaja sa obilježjem krivičnog djela razbojništva (24 ili 82,8% manje) i to na području slijedećih općina: Centar – dva (tri manje), Novo Sarajevo – dva (isto) i Ilidža – jedan događaj (šest manje). Nadležnom tužilaštvu podneseni su službeni izvještaji protiv četiri lica, povratnika u činjenju krivičnih djela, koja su lišena slobode.

Od ukupno pet događaja razbojništva evidentiranih po nepoznatom izvršiocu, naknadno je rasvijetljen jedan kao i šest događaja prijavljenih u ranijem periodu.

Razbojništva su izvršena prijetnjom upotrebe vatrenog oružja – dva puta, prijetnjom upotrebe noža ili drugog oštrog predmeta – dva i upotrebom fizičke snage – jedan put, a počinjena su u prodavnicama – četiri puta i na ulici – jednom. Otudivan je novac i nakit.

#### PROTIV OPĆE SIGURNOSTI LJUDI I IMOVINE

Iz ove oblasti evidentirano je 13 događaja (šest više) i to: izazivanje opće opasnosti – 12 i nesavjesno čuvanje pasa i drugih opasnih životinja – jedan događaj. Nadležnom tužilaštvu podneseni službeni izvještaji protiv devet lica, od kojih je sedam povratnika, a pet lica je lišeno slobode.

Događaji sa obilježjem krivičnog djela izazivanje opće opasnosti evidentirani su na otvorenom prostoru – devet puta, u školskom, poslovnom i stambenom objektu – po jedno, pri čemu je u dva slučaja pucano iz vatrenog oružja, pet puta je otvorenim plamenom izazvan požar, u četiri slučaja je bačena i aktivirana nepoznata eksplozivna naprava i u jednom slučaju se radilo o lažnoj dojavi o postavljenoj eksplozivnoj napravi u školi. Posljedice navedenih događaja su nastala materijalna šteta i uznemirenost građana.

#### PROTIV JAVNOG REDA I PRAVNOG PROMETA

U ovoj oblasti evidentirano je osam događaja sa obilježjem krivičnog djela (68 manje<sup>1</sup>) i to: nasilničko ponašanje – četiri, napad na službenu osobu u vršenju poslova sigurnosti i krivotvorenje isprave – po dva događaja.

Nadležnom tužilaštvu podneseni su službeni izvještaji protiv devet lica od kojih je pet povratnika (ili 55,6%), a dva su lišena slobode.

#### DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA

U toku mjeseca aprila 2022. godine nisu evidentirani događaji sa obilježjem krivičnog djela u kojima su učestvovala maloljetna lica, dok su u istom mjesecu 2021. godine evidentirana tri maloljetna lica koja su učestvovala u izvršenju tri događaja sa obilježjem krivičnog djela.

#### OSTALA PROTIVPRAVNA I ASOCIJALNA PONAŠANJA

##### AKTIVIRANJE MINSKO-EKSPLOZIVNIH SREDSTAVA

U toku mjeseca aprila 2022. godine na području Kantona Sarajevo evidentirana su dva događaja aktiviranja minsko-eksplozivnih sredstava (nije bilo u aprilu 2021. godine) usljed čega je nastupila materijalna šteta. Preduzimaju se aktivnosti na rasvjetljavanju ovih događaja i pronalaženju učinilaca.

U toku aprila 2022. godine evidentirano je 12 događaja anonimnih dojava o postavljanju eksplozivnih naprava, a odnosile su se na policijske stanice Uprave policije MUP KS, Općinski, Kantonalni sud i škole (nije bilo u aprilu 2021. godine). Nakon KDZ pregleda utvrđeno je da su dojave bile lažne. Za sada su u dva slučaja identifikovani učinioci i protiv njih se preduzimaju zakonske mjere.

#### POŽARI

Tokom mjeseca aprila 2022. godine, na području Kantona Sarajevo registrovano je 16 požara (dva manje u odnosu na isti mjesec prethodne godine), u kojima je jedno lice poginulo, a tri lica povrijeđena.

Prema statističkim pokazateljima, osam požara je izazvano namjerno, tri nehatom, dva zbog tehničkih nedostataka, dok uzroci tri požara spadaju u kategoriju ostalih.

Požari su registrovani u:

- Saobraćajnom sredstvu - šest puta,
- Stambenom objektu - tri,
- Pomoćnom objektu - dva,
- Poslovnom prostoru - jednom,
- Šumi - jednom,
- Ostalim objektima - tri puta.

- Zbog izazivanja požara nadležnom tužilaštvu podneseno je pet službenih izvještaja iz člana 323 KZ FBiH (izazivanje opće opasnosti).

#### SAMOUBISTVA

U mjesecu aprilu 2022. godine na području Kantona Sarajevo registrovana su četiri samoubistva (dva manje u odnosu na isti mjesec prošle godine) koja su izvršena vješanjem. Izvršioци samoubistava su tri osobe muškog i jedna osoba ženskog spola.

#### OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzeto je šest pištolja, dva noža, četiri petarde i 18 komada municije raznog kalibra.

Tokom mjeseca aprila ove godine fizičkim licima izdato je 168 odobrenja za nabavku vatrenog oružja i 205 oružnih listova.

#### JAVNI RED I MIR

U toku mjeseca aprila 2022. godine u oblasti protiv javnog reda i mira evidentirano je 378 prekršaja (1.773 ili 82,4% manje u odnosu na isti mjesec 2021. godine), a za izvršenje navedenih prekršaja prijavljena su 383 lica (1.787 ili 82,3% manje), od čega je 126 povratnika u činjenju prekršaja.

Zbog učinjenih prekršaja u oblasti protiv javnog reda i mira izdato je 355 naloga i podnesena su 23 zahtjeva za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnosi se 349 prekršaja (ili 92,3%), a na prekršaje koji su utvrđeni Odlukom općinskih vijeća o javnom redu i miru 29 (ili 7,7%).

Od ukupnog broja prijavljenih lica, prema starosnoj strukturi učinilaca prekršaja, najbrojniji su u dobi preko 36 godina (185), između 26 i 35 godina (128) i između 19 i 25 godina (70).

Prilikom narušavanja javnog reda i mira u mjesecu aprilu 2022. godine, nije bilo teže povrijeđenih lica (isto kao u aprilu 2021. godine), dok je osam lica (jedno manje) lakše povrijeđeno.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA  
ZA MJESEC APRIL 2022/2021.GODINA

| PREKRŠAJI IZ ZAKONA O JRIM:                         | APRIL 2022. | APRIL 2021. | + - %           |
|---|-------------|-------------|-----------------|
| <i>-Tuče</i>  | 22          | 34          | -12 ili 35,3%   |
| <i>-Naročito drsko ponašanje</i>                    | 24          | 39          | -15 ili 38,4%   |
| <i>-Odbijanje naređenja i omalovaž. pol. služb.</i> | 20          | 326         | -306 ili 93,9%  |
| <i>-Neovlaštena upotreba oružja</i>                 | ---         | ---         | ---             |
| <i>-Paljenje petardi</i>                            | ---         | ---         | ---             |
| <i>-Prosjačenje</i>                                 | 205         | 97          | +108 ili 111,3% |
| <i>-Svađa, vika, nepristojno ponašanje</i>          | 15          | 14          | +1 ili 7,1%     |
| <i>-Uživanje opojne droge na javnom mjestu</i>      | 12          | 1           | +11 ili 1100%   |
| <i>-Ostali prekršaji iz Zakona o JRiM</i>           | 51          | 1611        | -1560 ili 96,8% |
| Prekršaji prema Odluci općinskog vijeća o JRiM      | 29          | 29          | isti broj       |
| ukupno  | 378         | 2.151       | -1773 ili 82,4% |

Iz tabelarnog pregleda vidljivo je, da je tokom mjeseca aprila 2022. godine, u odnosu na april prethodne godine prema strukturi prekršaja povećan broj sljedećih prekršaja:

- prosjačenje za 108 ili 111,3%,

- uživanje opojne droge na javnom mjestu za 11 ili 1100%,
  - svađa, vika, nepriстойno ponašanje za jedan ili 7,1%;
- dok je smanjen broj prekršaja:
- ostali prekršaji za 1.560 ili 96,8%,
  - odbijanje naređenja i omalovažavanje policijskih službenika za 306 ili 93,9%,
  - naročito drsko ponašanje za 15 ili 38,4%,
  - tuče za 12 ili 35,3%.

Broj prekršaja koji su regulisani Odlukom općinskih vijeća ostao je isti.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (355 ili 93,9% od ukupnog broja), a znatno manje na sportskim stadionima – četiri, u ugostiteljskim objektima – dva, u vozilima javnog saobraćaja i trgovinama – po jedan, a na ostalim mjestima 15 prekršaja.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA PREMA MJESTU IZVRŠENJA ZA MJESEC APRIL 2022/2021. GODINE

| MJESTO IZVRŠENJA                | APRIL 2022. | APRIL 2021. | + - %           |
|---------------------------------|-------------|-------------|-----------------|
| Ugostiteljski objekti           | 2           | 7           | -5 ili 71,4%    |
| Ulice i drugi otvoreni prostori | 355         | 2.111       | -1756 ili 83,2% |
| Vozila javnog saobraćaja        | 1           | ---         | +1              |
| Sportski stadioni i dvorane     | 4           | ---         | +4              |
| Škole i školska dvorišta        | ---         | ---         | ---             |
| Trgovine i zanatske radnje      | 1           | 6           | -5 ili 83,3%    |
| Ostala mjesta                   | 15          | 27          | -12 ili 44,4%   |
| UKUPNO                          | 378         | 2.151       | -1773 ili 82,4% |

U odnosu na isti mjesec 2021. godine, povećan je broj prekršaja na sportskim stadionima i dvoranama i u vozilima javnog saobraćaja, dok je smanjen broj prekršaja na ulici i drugim otvorenim prostorima, na ostalim mjestima, u ugostiteljskim objektima i u trgovinama i zanatskim radnjama.

Na području Kantona Sarajevo u mjesecu aprilu 2022. godine održana su 372 javna skupa. Policijski službenici Uprave policije proveli su planske aktivnosti u cilju bezbjednog održavanja javnih skupova, a u 75 slučajeva izvršeno je KDZ osiguranje.

## SAOBRAĆAJ

Na području Kantona Sarajevo u mjesecu aprilu 2022. godine registrovano je 445 saobraćajnih nezgoda (sedam ili 1,6 % više), od čega je 389 sa materijalnom štetom (osam ili dva % manje) i 56 sa nastradalim licima (15 ili 36,6 % više).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO U MJESECU APRILU 2022./21. GODINE

|  | april 2022. | april 2021. | uporedba        |
|--|-------------|-------------|-----------------|
| UKUPNO SAOBRAĆAJNIH NEZGODA                | 445         | 438         | + 7 ili 1,6 %   |
| Saobraćajne nezgode sa nastradalim licima  | 56          | 41          | + 15 ili 36,6 % |
| Saobraćajne nezgode sa materijalnom štetom | 389         | 397         | - 8 ili 2 %     |
| POGINULO LICA                              | 1           | 3           | - 2 ili 66,7 %  |
| - vozači                                   | 1           | 1           | -----           |
| -putnici                                   | 0           | 1           | - 1             |
| - pješaci                                  | 0           | 1           | - 1             |
| POVRIJEĐENO LICA                           | 77          | 46          | + 31 ili 67,4 % |

|           |    |    |                 |
|-----------|----|----|-----------------|
| - vozači  | 42 | 26 | + 16 ili 61,5 % |
| - putnici | 20 | 12 | + 8 ili 66,7 %  |
| - pješaci | 15 | 8  | + 7 ili 87,5 %  |

U naselju je registrovano 396 saobraćajnih nezgoda (jedna sa poginulim, 47 sa povrijeđenim licima i 348 sa materijalnom štetom), van naselja 49 nezgoda (osam sa povrijeđenim licima i 41. sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO  
U MJESECU APRILU 2022. GODINE (U NASELJU I VAN NASELJA)

| SAOBRAĆAJNE<br>NEZGODE | SA NASTRADALIM LICIMA     |                        |           | SA<br>MATERIJALNOM<br>ŠTETOM | UKUPNO     | POSLJEDICE             |                                   |                                    |
|------------------------|---------------------------|------------------------|-----------|------------------------------|------------|------------------------|-----------------------------------|------------------------------------|
|                        | sa<br>poginulim<br>licima | sa povrijeđenim licima |           |                              |            | broj poginulih<br>lica | broj teže<br>povrijeđenih<br>lica | broj lakše<br>povrijeđenih<br>lica |
|                        |                           | teže                   | lakše     |                              |            |                        |                                   |                                    |
| u naselju              | 1                         | 9                      | 38        | 348                          | <b>396</b> | 1                      | 9                                 | 58                                 |
| van naselja            |                           |                        | 8         | 41                           | <b>49</b>  |                        |                                   | 10                                 |
| <b>UKUPNO</b>          | <b>1</b>                  | <b>9</b>               | <b>46</b> | <b>389</b>                   | <b>445</b> | <b>1</b>               | <b>9</b>                          | <b>68</b>                          |

Prema kategoriji puta, najveći broj saobraćajnih nezgoda registrovan je:

- na ulicama u naselju - 296 nezgoda u kojima su 33 lica povrijeđena (četiri teže i 29 lakše),
- na magistralnim putevima - 54 nezgode u kojima su 24 lica nastradala (jedno lice poginulo, 23 lica povrijeđena, četiri teže i 19 lakše),
- na lokalnim putevima - 54 (15 lica povrijeđeno, jedno teže i 14 lakše),
- na regionalnim putevima - 20 (tri lica lakše povrijeđena),
- na putevima koji se ubrajaju u kategoriju ostalih - 21. nezgoda u kojoj su tri lica lakše povrijeđena.

#### POSLJEDICE SAOBRAĆAJNIH NEZGODA

Tokom mjeseca aprila 2022. godine, u saobraćajnim nezgodama na području Kantona Sarajevo 78 lica je nastradalo (29 ili 59,2% više). Jedno lice je poginulo (dva ili 66,7% manje), dok je 77 lica povrijeđeno (31 ili 67,4% više), od čega devet teže (dva ili 28,6% više) i 68 lakše (29 ili 74,4% više).

Od ukupno 77 povrijeđenih lica u mjesecu aprilu 2022. godine, evidentirana su: 42 vozača (tri teže i 39 lakše), 20 putnika (jedan teže i 19 lakše) i 15 pješaka (pet teže i 10 lakše).

Starosna struktura nastradalih lica u saobraćajnim nezgodama je slijedeća:

- ispod šest godina - dva lica,
- od 6 do 17 godina - 18,
- od 18 do 24 godine - 12,
- od 25 do 30 godina - 15,
- od 31 do 40 godina - osam,
- od 40 do 50 godina - 13,
- od 51 do 65 godina - četiri,
- 66 i više godina - tri,
- Nepoznata starosna dob - tri lica.

Starosna struktura nastradalih vozača u saobraćajnim nezgodama je slijedeća:

- od 18 do 23 godine - 10 lica,
- od 23 do 30 godina - 13,

- od 30 do 40 godina - osam,
- od 40 do 50 godina - 10,
- od 50 do 60 godina - dva lica.

#### UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, uzroci saobraćajnih nezgoda su:

- neprilagođena brzina - 71 (26 lica lakše povrijeđeno),
- uticaj alkohola - dvije (jedno lice lakše povrijeđeno),
- neispravan pneumatik - jedna saobraćajna nezgoda (bez nastradalih lica),
- ostali uzroci - 371 (jedno lice poginulo, 50 lica povrijeđeno, devet teže i 41. lakše).

#### AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca aprila 2022. godine, policijski službenici Uprave policije MUP-a Kantona Sarajevo kontrolisali su:

- 14.970 vozila i vozača (2.613 više),
- 3.415 lica u vozilima (58 više),
- pregledali 423 vozila (214 više) i 387 lica u vozilima (190 više).

Zbog tehničke neispravnosti iz saobraćaja su isključena 54 vozila (34 više), 44 vozača su zatečena da upravljaju vozilom pod dejstvom alkohola (osam više), 395 lica bez korištenja sigurnosnog pojasa (152 više), 106 vozača bez položenog vozačkog ispita (78 manje), 48 vozača pod izrečenom zaštitnom mjerom (13 manje), 286 vozača je zatečeno da koriste mobilitel tokom vožnje (46 više) i 211 vozila koja su učestvovala u saobraćaju bez važeće registracije (160 manje).

Zbog kršenja propisa iz oblasti sigurnosti saobraćaja uručeno je 14.189 prekršajnih naloga vozačima (1.557 ili 12,3 % više u odnosu na mjesec april prošle godine) i podnesena 253 zahtjeva za pokretanje prekršajnog postupka (sedam ili 2,8 % više).

Policijski službenici Uprave policije organizovali su akcije pojačane kontrole vozača, višestrukih povratnika u činjenju najtežih oblika prekršaja, s posebnim akcentom na prekršaje koji se odnose na prekoračenje dozvoljene brzine kretanja motornih vozila, prolaska kroz raskrnicu na znak uključenog crvenog svjetla i vršenja radnji vozilom u saobraćaju.

Tokom mjeseca aprila 2022. godine od višestrukih povratnika u vršenju prekršaja iz oblasti ZOOBS-a oduzeto je ukupno 13 motornih vozila.

#### MIRUJUĆI SAOBRAĆAJ I KONTROLA PJEŠAKA

Policijski službenici su tokom mjeseca aprila 2022. godine provodili aktivnosti u okviru saobraćaja u mirovanju i kontrole kretanja pješaka.

Vozačima koji su vozila nedozvoljeno parkirali na javnim površinama, uručeno je 7.299 prekršajnih naloga (2.439 više), upozoreno je 209 vozača (18 više), a specijalnim vozilom "pauk" premještena su 102 vozila (50 više).

Takođe, pješacima koji su kršili propise uručeno je 112 prekršajnih naloga (27 više), a upozoreno je 16 pješaka (66 manje).

## **ZAKONITOST U RADU**

Tokom mjeseca aprila 2022. godine, nisu registrovani napadi na policijske službenike Uprave policije MUP-a Kantona Sarajevo, kao ni slučajevi upotrebe sile.

Razmatrano je 40 predavki na rad policijskih službenika. Nakon razmatranja Odbor za žalbe građana Skupštine Kantona Sarajevo donio je zaključak da se za 12 predavki (jedna više) provede unutrašnja istraga, za 27 predavki je odlučeno da se izvrše provjere i prikupi dokumentacija, dok je sa jednom predavko upoznat Obor.

Od 40 razmatranih predavki, 25 je podneseno od strane građana, dok 15 predavki predstavljaju saznanja iz službe.

Okončano je 10 unutrašnjih istraga, od čega su tri bile bez dovoljno dokaza, u tri slučaja interni postupak je prekinut do okončanja krivičnog postupka ili krivične istrage, u dva slučaja predavka je osnovana, a u dva slučaja neosnovana.

## **RAD POLICIJE U ZAJEDNICI**

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog mjeseca preduzimali aktivnosti u cilju uspostavljanja saradnje sa građanima, mjesnim zajednicama, predstavnicima vjerskih zajednica, raznim udruženjima građana i nevladinim organizacijama.

Policajci u zajednici su svakodnevno na terenu, kroz proaktivno djelovanje i kontakte sa građanima, osobljem javnih ustanova, nevladinih i drugih organizacija, osiguravali stvaranje povoljnog ambijenta za život svih kategorija stanovništva.

Po pitanju koordinacije Rada policije u zajednici s vladinim i nevladinim organizacijama kao i implementacije javnih kampanja sa ciljem podizanja svijesti građana o važnosti jačanja partnerskog odnosa između policije i lokalne zajednice, realizovne su slijedeće aktivnosti:

- U saradnji sa VSTV BiH, MFS EMMAUS-Centar za sigurni internet i Ministarstvom za odgoj i obrazovanje Kantona Sarajevo održane su edukativne radionice za učenike srednjih škola pod nazivom: „Borba protiv trgovine ljudima“ kojom prilikom je održano 59 predavanja kojima je prisustvovalo 2.096 učenika i nastavnog osoblja,
- Održane edukativne radionice na temu „Stop vršnjačkom nasilju“, „Cyberbulling“, „Djeca u saobraćaju“ i „Lopov uvijek bude otkriven“, kojom prilikom je održano 19 predavanja kojima je prisustvovalo 612 učenika osnovnih škola,
- Policajci u zajednici Uprave policije MUP-a Kantona Sarajevo su vodili evidenciju za poštivanje izrečenih zaštitinih mjera od strane Općinskog suda u Sarajevu iz oblasti nasilja u porodici, vršili obilazak i ostavarivali kontakt sa žrtvama nasilja kao i sa nasilnikom, da bi osigurali poštivanje izrečenih zaštitinih mjera, veći stepen sigurnosti žrtve kao i preventivno djelovanje na eventualno ponavljanje nasilja;
- Policajci u zajednici Uprave policije MUP-a Kantona Sarajevo ostavrivali su kontakte sa predstavnicima osnovnih i srednjih škola u Kantonu Sarajevo, preduzimali različite aktivnosti čime su preventivno djelovali na različite neprihvatljive pojave u i oko školskih prostora;
- Policajci u zajednici Uprave policije MUP-a Kantona Sarajevo su ostvarivali kontakte sa građanima iz reda romske populacije i migrantima, s ciljem preventivnog djelovanja na pojavu narušavanja javnog reda i mira, prosjačenja i činjenja krivičnih djela, itd.

## MIGRANTI

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo u prihvatnim, azilantskim i imigracionim centrima boravi cca 1.160 migranata (1.309 ili 53% manje).

U mjesecu aprilu 2022. godine migranti su učestovali u jednom događaju sa obilježjem krivičnog djela (tri ili 75% manje) i to razbojništvo u pokušaju (čl. 289. u vezi člana 28. KZ FBiH).

Tokom mjeseca aprila 2022. godine, službenici policije kontrolisali su 50 migranta, od čega 12 nije posjedovalo registrovani obrazac, devet je upućeno i predato službi za poslove sa strancima radi registracije, a 12 migranata je smješteno u imigracione centre.

Provodeći operativno-taktičke mjere i radnje, kao i akcije (ukupno četiri akcije) na području Kantona Sarajevo, u mjesecu aprilu 2022. godine, policijski službenici Uprave policije MUP-a Kantona Sarajevo pronašli su dva migranta.

TABELARNI PREGLED OSNOVNIH STATISTIČKIH POKAZATELJA O MIGRANTSKOJ POPULACIJI

| MJESEC APRIL 2022. GODINE   | KANTON SARAJEVO |
|---|-----------------|
| UKUPAN BROJ MIGRANATA KOJI BORAVI NA PODRUČJU KANTONA SARAJEVO (SLOBODNA PROCJENA I PODACI IOM-a) | 1.160           |
| UKUPAN BROJ KONTROLISANIH MIGRANATA   | 50              |
| BROJ MIGRANATA LIŠENIH SLOBODE  | 4               |
| BROJ KRIVIČNIH DJELA POČINJENIH OD STRANE MIGRANATA   | 1               |
| BROJ PREKRŠAJA POČINJENIH OD STRANE MIGRANATA   | 0               |
| BROJ INCIDENATA POČINJENIH OD STRANE MIGRANATA  | 0               |
| BROJ MIGRANATA KOJI SU VRAĆENI IZ SUSJEDNIH DRŽAVA  | 0               |
| BROJ AKCIJA POLICIJE VEZANIH ZA KRIJUMČARENJE ILEGALNIH MIGRANATA                                 | 4               |
| BROJ MIGRANATA PREDATIH U IMIGRACIONI CENTAR ILI SLUŽBI ZA POSLOVE SA STRANCIMA                   | 21              |

Sarajevo, 13.05.2022. godine

Odjeljenje za odnose s javnošću